

monium I. *Job.* c. 5. a prima manu ita legitur: *Quia tres sunt, qui testimonium dant in celo pater verbum et spiritus sanctus. Et hij tres unum sunt. Et tres sunt, qui testimonium dant in terra spiritus aqua et sanguis.* Ad calcem accedit nota illa *Vocabulorum hebr.* Interpretatio.

Pag. ult. haec notata sunt: *Hanc bibliam integram. Calicem argenteum vna deauratum valoris XV. lbr. Item ornatum rubeum preciosissimum valoris XIII. lbr. denar. Item libros sermonum (extritum) taxatos pro XII. lbr. denar. Haec omnia obtulit Frater Benedictus de piburg quondam plebanus in Schinij nec non Capellanus et prouisor domus plurimum Reuerendi in christo patris et domini Domini friderici Episcopi ecclesie Seccouien. pie memorie pro monasterio lunelacensi Sancti Michaelis Taliter quod pro his superscriptis rebus perpetuis temporibus peragatur anniuersarium. Plura deinceps erasa sunt, et sequitur: *Item hanc ordinacionem fecit et ordinauit superdictus Frater Benedictus tempore nouiciatus sui quando potuit libere exire uel permanere, ordinare ac disponere de rebus suis ad placitum suum. Anno domini M°. CCCC°. Quinquagesimo tercio. Fridericum III. a. 1446. Episcopatu Seccouienſi potitum video in Diplomataris sacris Ducat. Styriae P. I. p. 291. eumque jam a. 1453. successorem habuisse Georgium. Videtur igitur obivisse a. 1452. jam enim Benedictus noster ad calcem**

*Psalterii Bibliorum suorum supra adnotavit: se in Festo Purificationis Marie, ergo 2. Febr. 1453. hospitem fuisse in Lunaelacu, tirocinium videlicet ingressurum. Non poenitendum fuisse Coenobio hunc Tironem docet Chronicon Lunael. a p. 244—76. Abbas enim ab a. 1463. ad a. 1499. multa praeclare gessit, et, cum in die D. Benedicti natus, Sacerdos factus, Abbas electus fuisset, eundem etiam diem ultimum vitae habuit. Referam simile de Franc. Dolfino S. J. viro non incelebri, qui memoria mea identidem dicere solebat: *Augustus mihi semper augustus;* aiebat enim hoc se mense natum, Societatem ingressum, Sacris initiatum, regimini Sociorum admotum, etiam moriturum esse. Et liberavit fidem,*

XXXVI. Codex membranaceus lat. Sec. R. 910 XV. Folior. 409. f. per duas columnas bene exaratus, ornatus lemniscis florulentis picturatis, non tamen per totum absolutis et ab a. 1660. Collegii S. J. Vienneae complectitur *Sacra Biblia* vulgatae interpretationis cum Prologis Hieronymi et aliis solitis Argumentis, ad quae sequentia noto: *Gen. III. 15.* legitur: *Ipsa conteret &c. Esdrae,* ubi ornamenta deficere incipiunt, Liber II. inscribitur *Nehemiae,* et post se habet *Tertium,* qui *Secundus* dicitur. *Psalterium* desinit in *Psalmo CXLVII.* quem continuo *Symbolum* tributum *Athanasio* excipit, ad

ad cujus calcem Rubrica praecipit *ἀδυνατον*: *Reliquos psalmos require in principio post nocturnos dominicales*; nihil enim ejusmodi fuit unquam in Codice. *Salomonis Libros praecurrit Ecclesiasticus. Praefationes Rabani Mauri ad Regem Ludovicum et Archidiaconum Geroldum Libris Machabaeorum*, quorum II. c. 12. habet Defunctorum memoriam, postpositae sunt, hacque clausula terminantur: *Finitis ordinarie omnibus libris veteris testamenti hic iam incipit prologus in evangelium mathei. Epistolae Pauli ad Colossenses* subjecta est spuria ad *Laodicenses*. Testimonium duplex I. *Job. c. 5. v. 7. 8. rite habet*, quamvis spatiolo inter posterius *hij et tres pumex* admotus videatur. In anteriore Tabula lignea, qua Codex munitur, rudi pictura visitur Servator cruci tribus clavibus adfixus adstantibus *Maria et Johanne*, in posteriore vero *Deipara Filium gestans et lunae insitens*. Adest ei a dextra, ut opinor, *Elisabeth* cum filiolo *Baptiste*, a sinistra vero *Catharina* rota, machaeraque insignis, laeva-que capiti Clerici in genua proci-
 dui, Mariamque his verbis appellantis: *Ora pro me Sancta dei genitrix Maria!* imposita. Atque, ut noscas Supplicem, ad pedes legitur: *Nicolaus Plebanus*; et plenius infra picturam: *Liber biblii nicolai plebani de wintrberg et hoc sub anno domini Millesimo CCCC°. LX°. sexto amen. Est vero Winterberga Civitas Bohemiae ad fines Passavienses. Ut scias, nihil Denis Codd. Theol. V. II. P. I.*

fraudibus inaccessum esse, Veterator quidam majorem Codici aetatem adrogaturus quartum C eraferat. Sed fucum non fecit characterum variae aetatis gnaro. Itaque quartum illud C jure meritoque restitui.

XXXVII.

Codex chartaceus lat. Sec. XV. U. 6.
 Folior. 342. f. currente calamo per duas columnas exaratus, et rubricis paene destitutus hanc Notam praefert: *Hunc librum testatus est ad collegium beate marie virginis domus rubee rose* (dictae etiam Bursa Rosae, Rosenbursch,) *apud fratres predicatorum in Vienna Egregius ac venerabilis vir magister andreas de potenprun* (Pago infer. Austriae) *arcium et theologie professor eximius Atque ecclesie Cathedralis Sancti steffani canonicus premeritus*. Ita olim aut Canonici docebant, aut Professores Canonicatibus donabantur. *Andreas* noster annis 1469. et 75. simul Academiae Rector praeerat, simul sacras Literas exponebat. Codex porro illius fat mendose scriptus *Biblia* vulgatae Interpretationis continet hoc insolenti ordine: *Pentateuchus, Josue, Judices, Job, Machabaei, Paralipomenon L. I. abruptus in C. XII. Deinceps IV. Evangelia, Actus Apostolorum, Epistolae Pauli, et Canonicae, demum Apocalypsis*. Adsunt Prologi *Hieronymiani*, et Argumenta, prout habentur in *Bibliis glossatis. Machabaeis praefatur etiam Rabanus tam ad Ludovi-*